

四庫全書

史部

欽定四庫全書

史部

續後漢書卷八十三上至

詳校官編修臣黃壽齡

編修臣裴謙覆勘

膳錄監生臣李兆文

欽定四庫全書

續後漢書卷八十一

元 郝經 撰

列傳第七十七

西戎

羌

赤亭羌

卷陽氏

湟中月氏

胡氏

呂氏

白馬氏

仇池氏

仇池氏

仇池氏

仇池氏

仇池氏

仇池氏

仇池氏

西戎者雍涼梁益之西并西域諸羌戎也其種類尚矣

當堯之時緡雲氏有不才子為諸侯國于江南洞庭彭

蠡之間南嶽之下號為三苗貪于飲食冒于貨賄侵欲

崇侈不可盈厭聚斂積實不可紀極不念孤寡不恤窮  
匱天下之民謂之饕餮舜相堯使禹征之三苗弗克禹  
乃班師振旅舞干羽脩文德而苗民始服遂流四凶族  
竄三苗于三危金城河關之西南羌地是也濱于析支  
至于河首縣地千里禹別九州雍州之域析支渠搜西  
戎即叙於是諸戎種落復被饕餮之俗生聚繁衍南接  
蜀漢徼外蠻夷西北入獫狁鄯善車師諸國種類繁熾  
不立君臣無相長一彊則分種為酋豪弱則為人附落

更相鈔暴以力為雄長於山谷短於平地不能持久而  
果於觸突以戰死為吉病終為不祥堪耐寒苦同之禽  
獸雖婦人產子亦不避風雪堅剛勇鷙鍾西方金行之

氣焉夏太康失國畎夷背叛

原注史記索隱韋昭云春秋以為犬戎按畎音犬小

類云即昆夷也山海經云黃帝生苗苗生龍龍生融融生吾吾生并明并明生白白生犬犬有牝牡是為犬戎

說文云赤狄本犬種字從犬又山海經云有人面獸身名犬夷賈逵云犬夷戎之別種也謹案今山海經本

作黃帝生苗龍苗龍生融吾融一作下后相征之七年乃服

至于后泄始加爵命后桀之亂畎夷入居邠岐之間成

湯伐夏桀而出之殷道中微西戎復叛武丁征之三年

乃克故其詩曰自彼氐羌莫敢不來王及武乙暴虐犬

戎入寇周王季伐西落鬼戎俘翟王二十

原注竹書紀年武乙三十

五年周王季伐西落鬼戎俘二十翟王

太丁之時王季復伐燕京之戎大

敗周師

原注竹書紀年太丁二年周人伐燕京之戎周師大敗

後二年周人克余

無之戎於是太丁命季歷為牧師

原注竹書紀年太丁四年周人伐余無之

戎克之命周王季為殷牧師

更伐始呼翳徒之戎皆克之

原注竹書紀年太丁

七年周人伐始呼之戎克之十一其後西伯遜昆夷率年周人伐翳徒之戎捷其三大夫

西戎征殷之畔國以事紂武王伐紂羌髡會之穆王時戎  
不脩貢乃征犬戎獲其王又得四白鹿四白狼遂遷戎  
于太原荒服不至夷王政衰乃命虢公伐太原之戎厲  
王無道戎乃入犬丘殺秦仲之族宣王命秦仲伐戎  
為戎所殺又遣兵伐太原戎不克又伐條戎王師敗績  
戎人遂滅姜侯之邑王伐申戎破之幽王即位命伯士  
伐六濟之戎軍敗伯士死焉其年戎圍犬丘虜秦襄公  
之兄伯父及王廢申后而立褒姒申侯與犬戎攻周弑

王驪山平王乃東遷雒邑鄭武公晉文侯秦襄公攻戎救周戎盡虜周民與其寶器而歸平王之末周遂陵遲戎逼諸華隴山以東及乎伊雒侵淫秦晉往往為戎渭南

有狄獮

原注音桓

邽冀戎涇北有義渠戎洛州有大荔戎渭

南有驪戎伊雒間有揚拒泉臯戎及茅戎潁首以西有蠻民之戎在所以部落同夫列國交聘覲享會盟征伐日益彊大東侵曹魯遂入王城秦晉伐戎以救周又寇京師齊桓公徵諸侯戍周既而秦晉自瓜州遷陸渾之



戎于伊川自三危遷允姓之戎于渭汭東及輾轅在河  
南山北者號曰陰戎晉文襄之霸乃屬諸戎至于悼公  
復和諸戎秦穆公相戎人由余遂霸西戎晉楚更霸陸  
渾伊雒陰戎事晉而蠻氏從楚其後晉滅驪戎陸渾戎  
楚執蠻氏秦滅大荔至戰國時趙滅代戎韓魏共滅伊  
雒陰戎於是中國無戎而惟義渠種在秦孝公立諸戎  
皆屬秦孝公使太子駟率羌戎九十二國朝周顯王王  
致伯于秦昭王時義渠築城十餘自稱王因亂宣太后

欽定四庫全書

續後漢書  
卷八十五

昭王殺義渠王于甘泉宮滅其國置隴西北地上郡於是盡逐諸戎其種落得脫者皆反故地為酋豪戎本無君長殷周之時或從侯伯征伐有功賜爵得稱子故周制四夷雖大皆曰子春秋時戎狄蠻夷稱子獨驪戎稱男又時王所降也義渠既滅諸戎少衰至漢而羌戎興焉

謹案此條叙西戎至漢初止其桓帝永康元年至亂涼隴云二千餘字大典原本誤抄在赤亭羌傳注凡

三十二年之下據文義當是西戎總叙之後半今接編于此然自漢初至桓帝中間疑尚有闕文

桓帝

永康元年護羌校尉段熲既定西羌先零等種猶未服

度遼將軍皇甫規中郎將張奐招之連年既降又叛桓  
帝詔問頰曰先零東羌造惡反逆而皇甫規張奐各擁  
彊衆不時輯定欲令頰移兵東討未識其宜可參思術  
畧頰上言曰臣伏見先零東羌雖數叛逆而降於皇甫  
規者已二萬許落善惡既分餘寇無幾今張奐躊躇久  
不進者當慮外離內合兵往必驚且自冬踐春屯結不  
散人畜疲羸有自亡之勢欲便招降坐制彊敵爾臣以  
為狼子野心難以恩納勢窮雖服兵去復動惟當長矛

挾脇白刃加頸爾計東種所餘三萬餘落近居塞內路  
無險折非有燕齊秦趙從橫之勢而久亂并涼累侵三  
輔西河上郡已各內徙安定北地復至單危自雲中五  
原西至漢陽二千餘里匈奴諸羌並擅其地是為癰疽  
伏疾留滯脇下如不加誅轉滋浩大若以騎五千步萬  
人車三千輛三冬二夏足以破定無慮用費為錢五十  
四億如此則可令郡羌破盡匈奴長服內徙郡縣得反  
本土伏計永初中諸羌反叛十有四年用二百四十億

永和之末復經七年用八十餘億費耗若此猶不誅盡  
餘孽復起于茲作害今不暫疲民則永寧無期臣庶竭  
駑劣伏待節度帝許之悉聽如所上頌於是將兵萬餘  
人齎十五日糧從彭陽直指高平與先零諸種戰於逢  
義山虜兵盛頰衆皆恐頰乃令軍中長鏃利刃長矛三  
重挾以彊弩列輕騎為左右翼謂將士曰今去家數千  
里進則事成走必盡死努力共功名因大呼衆皆應聲  
騰赴馳騎於傍突而擊之敵衆大潰斬首八千餘級太

后賜詔書褒美曰須東羌盡定當并錄功勤今且賜頰  
錢二十萬以家一人為郎中勅中藏府調金錢綵物增  
助軍費拜頰破羌將軍靈帝建寧元年夏六月頰將輕  
兵追羌出橋門晨夜兼行與戰于奢延澤落川令鮮水  
上連破之又戰於靈武谷羌遂大敗秋七月頰至涇陽  
餘寇四千落悉散入漢陽山谷間護匈奴中郎將張奐  
上言東羌雖破餘種難盡段頰性輕果慮負敗難常宜  
且以恩降可無復悔詔書下頰頰復上言臣本知東羌

雖衆而輒弱易制所以比陳愚慮思為永寧之算而中  
郎將張奐說虜彊難破宜用招降聖朝明鑒信納瞽言  
故臣謀得行奐計不用事勢相反遂懷猜恨信叛羌之  
訴飾潤辭意云臣兵累見折衄又言羌一氣所生不可  
誅盡山谷廣大不可空靜血流汙野傷和致災臣伏念  
周秦之際戎狄為害中興以來羌寇最盛誅之不盡雖  
降復叛今先零雜種累以及覆沒縣邑剽略人物發  
冢露屍禍及生死上天震怒假手行誅昔邢為無道衛

國伐之師興而雨臣動兵涉夏連獲甘澍歲時豐稔人  
無疵疫上占天心不為災傷下察人事衆和師克自橋  
門以西落川以東故宮縣邑更相通屬非為深險絕域  
之地車騎安行無應折衄案與為漢吏身當武職駐軍  
二年不能平寇虛欲脩文戢戈招降擴敵誕辭空說僭  
而無徵何以言之昔先零作寇趙充國徙令居內煎當  
亂邊馬援遷之三輔始服終叛至今為鯁故遠識之士  
以為深憂今傍郡戶口單少數為羌所創毒而欲令降



徒與之雜居是猶種枳棘於良田養虺蛇於室內也故臣奉大漢之威建長久之策欲絕其本根不使能植本規三歲之費用五十四億今適期年所耗未半而餘寇殘燼將向殄滅臣每奉詔書軍不內御願卒斯言一以任臣臨時量宜不失權便二年夏六月詔遣謁者馮禪說降漢陽散羌頗以春農百姓布野羌雖暫降而縣官無廩必當復為盜賊不如乘虛放兵勢必殄滅頗於是自進營去羌所屯凡亭山四五十里遣騎司馬田晏假

司馬夏育將五千人先進擊破之羌衆潰東奔復聚射虎谷分兵守谷上下門頰規一舉滅之不欲復令散走秋七月頰遣千人於西縣結木為柵廣二十步長四十里遮之分遣晏育等將七千人銜枚夜上西山結營穿塹去虜一里許又遣司馬張愷等將三千人上東山虜乃覺之頰因與愷等挾東西山縱兵奮擊破之追至谷上下門窮山深谷之中處處破之斬其渠帥以下萬九千級馮禪等所招降四千人分置安定漢陽隴西三郡

於是東羌悉平頗凡百八十戰斬三萬八千餘級獲雜  
畜四十二萬七千餘頭費用四十四億軍士死者四百  
餘人更封新豐縣侯邑萬戶三年燒當羌遣使貢獻中  
平元年北地降羌先零種因黃巾大亂乃與湟中義從  
胡北宮伯玉等反寇隴右殺護羌校尉儉徵金城太守  
陳懿劫金城人邊章韓遂使任軍政攻燒州郡圍涼州  
刺史左昌于冀執漢陽長史蓋勲尋釋之二年北宮伯  
玉等寇三輔詔左車騎將軍皇甫嵩鎮長安以討之時

涼州兵亂不解徵發天下役賦無已崔烈以為宜棄涼  
州詔會公卿百官議之議郎傅燮厲言曰斬司徒天下  
乃安尚書奏燮廷辱大臣帝以問燮對曰樊噲以冒頓  
悖逆憤激思奮未失人臣之節季布猶曰噲可斬也今  
涼州天下要衝國家藩衛高祖初興使酈商別定隴右  
世宗拓境列置四郡議者以為斷匈奴右臂今牧御失  
和使一州叛逆烈為宰相不念為國思所以弭之之策  
乃欲割棄一方萬里之土臣竊惑之若使左衽之虜得

居此地士勁甲堅因以為亂此天下之至慮社稷之深憂也若烈不知是極蔽也知而故言是不忠也帝善而從之秋八月以司空張溫為車騎將軍執金吾袁滂為副以討北宮伯玉率中郎將董卓謹案後漢書董卓傳此時已拜為破虜將軍其為中郎將乃前副皇盜寇將軍周慎將諸郡兵步

甫嵩討北宮伯玉時也

騎十餘萬與邊章韓遂戰于美陽溫師不利董卓復與周慎等攻章遂破之章遂走榆中四年韓遂殺邊章及北宮伯玉擁羌胡兵十餘萬進圍隴西漢陽太守傅燮

戰沒遂推狄道王國為主寇略三輔五年冬圍陳倉六年春董卓擊遂等大破之叛羌由是寢衰卓遂擁羌胡餘衆跋扈涼隴不奉詔命及何進召卓卓遂以羌胡兵入京師脇制朝廷獻帝興平元年馮翊降羌反寇諸縣郭汜樊稠擊破之末帝延熹十一年雍涼羌胡來降衛將軍姜維將兵出隴右應之與魏雍州刺史郭淮護軍夏侯霸戰于洮西胡王白虎文治無戴等率部落降維維徙之蜀魏曹叡景初二年秋八月燒當羌茫中注詣

等叛涼州刺史率諸郡斬注詣及晉之衰諸羌遂不可制大亂涼隴云

赤亭羌其先有虞氏之苗裔禹封舜子于西戎世為羌酋雄于洮罕之間至遷那率種人內附漢以為冠軍將軍西羌校尉歸順王處之南安之赤亭那孫柯迴為魏鎮西將軍西羌都督迴生弋仲以出於有虞遂姓姚氏事石季龍授冠軍大將軍持節十郡六夷大都督永和七年降晉拜使持節六夷大都督車騎大將軍大單

于封高陵郡公卒有子二十四人子襄代領其衆晉不能綏御遂叛大敗殷浩於山桑率衆西圖關中為苻堅所殺弟萇降秦苻堅以為揚武將軍封益都侯堅大舉寇晉以萇為龍驤將軍堅敗萇自稱大將軍大單于萬年秦王執堅殺之遂入長安稱尊號國號大秦盡有關中苻氏故地傳興泓宋高祖滅之

原注晉載記太元九年姚萇乘堅之敗起

兵北地自稱秦王改元白雀十一年萇據長安稱帝改元建初國號大秦十八年萇死在位八年子興立隆安三年取洛陽義熙十二年興死子泓立十三年劉裕克長安執泓送建康斬之泓在位二年三世凡三十二年



謹案湟中月氏胡氏以下七傳闕議亦闕





欽定四庫全書

續後漢書卷八十下

元 郝經 撰

列傳第七十七下

西戎

西域 六十國

謹案前後漢書皆有西域傳晉書有焉耆龜茲  
大宛康居大秦諸傳陳志裴注引魏畧亦載西  
域諸國是皆此書所本也今目錄六十國而書

止烏弋山離條支安息大秦數篇其大月氏四國云云乃一篇之總結則其所佚者多矣又諸傳前當有總叙今亦失之

烏弋山離國地方數千里戶口勝兵名大國也時改名排持地暑熱莽平其草木畜產五穀菓菜飲食宮室市列錢貨兵器金珠之屬皆與罽賓同而有挑拔獅子犀

牛

原注孟康曰挑拔一名符拔似鹿長尾一角者或為天鹿兩角者或為形邪獅子似虎正黃有頰形尾端

茸毛大如斗顏師古曰獅子即爾雅所謂狻猊也按音步葛反形亦頰旁毛也俗重妄殺其錢

獨文為人頭幕為騎馬以金銀飾杖自玉門陽關出南道歷鄯善至烏弋山離南道極矣轉北而東至安息

條支國城在山上周回四十里臨西海海水曲環其南

及東北三面路絕惟西北隅通陸道土地暑濕有獅子

犀牛封牛孔雀大雀小雀卵大如甕人衆甚多往往有

小君長安息役屬之以為外國善眩

原注顏師古曰眩讀與幻同即今吞

刀吐火植瓜種樹屠人截馬之術本從西域來

安息長老傳聞條支有弱水西

王母亦未嘗見也

原注顏師古曰玄中記云昆侖之弱水鴻毛不能起爾雅云觚竹北户西

王母日下自條支乘水西行可百餘日近日所入云

謂之四荒

安息國治和犢城

原注漢書治番燒城

地方數千里小城數百最

為殷盛大國其東界木鹿城號小安息武帝時遣使獻

大鳥卵犁靽眩人

原注李奇曰靽音劇服皮曰犁靽張掖縣名顏師古曰益取驪靽縣為國

名即大秦國也靽又音軒

章帝章和元年遣使獻獅子符拔形似麟

而無角以銀為錢文獨為王面幕為夫人面王死更鑄

錢有大馬爵

原注顏師古曰廣志云大爵頸及膺身蹄似橐駝色蒼頭高八九尺張翅舉丈餘食

大臨嫫水商賈車船行旁國書革旁行為書記

原注服虔曰橫

行為書記也顏師古曰今西方胡國及南方林邑之徒書皆橫行不直下也革謂皮之不柔也和帝永

和九年都護班超遣甘英使大秦抵條支臨大海欲渡而安息界船人謂英曰海水廣大往來者逢便風三月乃得渡風遲則有二歲者故入海人皆齋三歲糧海中善使人思土戀慕數有死亡者英乃止自安息西行至阿蠻國從阿蠻國西行至斯賓國從斯賓南行渡河又西南至于羅國安息之西界極矣自此南行乘海乃通大秦

大秦國一名犁鞬以在海西亦云海西國地方數千里  
有四百餘城小國役屬者數十以石為城郭列置郵亭  
皆堊堊之有松柏諸木百草俗力田作多種樹蠶桑髡  
頭衣文繡乘輜輶白蓋小車出入擊鼓建旌旗幡幟所  
居城周圍百餘里中有五官相去各十里宮室皆以水  
精為柱食器亦然其王日居一宮聽政五日而周王行  
則使人持囊隨車有言事者以書投囊中至宮則省治  
之有官曹文書置三十六將議國事則皆會其王無常



人賢者則立國有災異及風雨不時輒廢而更立廢者  
不疾怨其人長大平正同夫中國故謂之大秦土多金

銀奇寶夜光璧明月珠駭鷄犀

原注抱朴子通天犀有白理如綫者以盛米置

犀雞中雞欲往啄米至輒驚却故南人以為駭雞犀

珊瑚琥珀琉璃琅玕九色玉

石朱丹青碧刺金縷繡織成金縷罽雜色綬作黃金塗

火浣布又有水羊毳野蠶繭所作細布合諸香煎其汁

謂之蘇合以金銀為錢銀錢十當金錢一與安息天竺

交市海中獲利十倍其人質直市無二價穀食常賤國

用富饒鄰國使到界首乘駟詣王都給以金錢其王  
常欲通使於漢而安息欲以漢繒綵與之交市故遮  
闔不得自達至桓帝延熹九年大秦王安敦遣使自  
日南徼外獻象牙犀角瑇瑁始一通焉或云其國西又有  
弱水流沙近西王母所居幾於日所入也又云從安息  
陸道繞海北行出海西至大秦人庶連屬十里一亭三  
十里一置無盜賊寇驚而道多猛虎獅子遮害行旅百  
人持兵輒為所食又言有飛橋數百里可渡海北諸國

所生諸物譎怪名不經云

大月氏四國于晉則焉著龜茲大宛康居大秦五國蓋其并滅者既不復見附屬者不能自通中國也其後五

胡更盛五涼限越中州擾亂西域不復通矣

原注魏畧燉煌西域之南

山中從婼羌西至葱嶺數千里有月氏餘種葱訖羌白馬黃牛羌各有酋豪北與諸國接不知其道里廣狹傳聞黃牛羌各有種類孕身六月生南與白馬羌鄰西域諸國漢初開其道時有三十六後分為五十餘從建武以來更相吞滅于今有二十道從燉煌玉門關入西域前有二道今有三道從玉門關西出經婼羌轉西越葱嶺經縣度入大月氏為南道從玉關西出發都護井回三龍少北頭經居靈倉從少西片博西北過龍佳則文婁

欽定四庫全書

續後漢書  
卷八十下

五

蘭轉西詣龜茲至葱嶺為中道從玉門關西北出經橫坑  
辟三隴沙及龍堆出五般北到車師界戊巳校尉所治  
高昌轉西與中道合龜茲為西道凡西域所出有前史  
已具詳今故畧說南道西行且志國小宛國精絕國樓  
蘭國皆并屬鄯善戎盧國扞彌國渠勒國皮穴國皆并  
屬于賓屬賓國大夏國高附國天竺國皆并屬大月氏  
臨兜國浮屠經云其國王生浮屠浮屠太子也父曰屠  
頭邪母曰莫邪浮屠身服色黃髮青如青絲乳青毛鈴  
赤如銅始莫邪夢白象而孕及生從母左脇出生而有  
結墮地能行七步此國在天竺城中天竺又有神人名  
沙律昔漢哀帝元壽元年博士弟子景盧受大月氏王  
使伊存口受浮屠經曰復立者其人也浮屠所載臨蒲  
塞桑門伯聞疏問白疏聞比丘晨門皆弟子號也浮屠  
所載與中國老子經相出入蓋以為老子西出關過西  
域之天竺教胡浮屠屬弟子別號合有二十九不能詳  
載故畧之如此車離國一名禮惟特一名沛隸王在天

竺東南三千餘里其地卑濕暑熱其王治沙奇城有別  
城數十人民怯弱月氏天竺擊服之其地東西南北數  
千里人民男女皆長一大八尺乘象索駝以戰今月氏  
役稅之盤越國一名漢越王在天竺東南數千里與益  
部相近其人小與中國人等蜀人賈似至焉南道而西  
極轉東西盡矣中道西行尉犁國危須國山王國皆并  
屬焉耆姑墨國溫宿國尉頭國皆并屬龜茲也楨中國  
莎車國竭石國渠沙國西夜國依耐國蒲犁國億若國  
榆令國捐毒國休脩國琴國皆并屬疏勒自是以西大  
宛安息條支烏弋烏弋一名排持北四國次在西本國  
也無增損前世以為條支在大秦西今其實在東前  
世又謬以為強於安息今更役屬之號為安息西界前  
世又謬以為弱水在條支西今弱水在大秦西前世又  
謬以為從條支西行二百餘日近日所入今從大秦西  
近日所入大秦國一號犂犂在安息條支西大海之西  
從安息界安谷城乘船直截海西過風利二月到風進

或一歲無風或三歲其國在海西故俗謂之海西有河  
出其國西又有大海海西有遲散城從國下直北至烏  
丹城西南又渡一河乘船一日乃過西南又渡一河一  
日乃過凡有大都三却從安谷城陸道直北行之海北  
復直西行之海西復直南行經之烏遲散城渡一河乘  
船一日乃過周回繞海凡當渡大海六日乃到其國國  
有小城邑合四百餘東西南北數千里其王治濱側河  
海以石為城郭其土地有松柏槐梓竹葦楊柳梧桐百  
草民俗田種五穀畜乘有馬騾驢駱駝桑蠶俗多奇幻  
口中出火自縛自解跳十二丸巧妙其國無常主國中  
有災異輒更立賢人以為王而生放其故王王亦不敢  
怒其俗人長大平正似中國人而胡服自云本中國一  
別也常欲通使于中國而安息圖其利不能得過其俗  
能胡書其制度公私宮室為重屋旌旗擊鼓白蓋小車  
郵驛亭置如中國從安息繞海北到其國人民相屬十  
里一亭三十里一置終無盜賊但有猛虎師子為害行

道不羣則不得過其國置小王數十其王所治城周回  
百餘里有官曹文書王有五宮一宮間相去十里其王  
平旦之一宮聽事至日暮一宿明日復至一宮五日而  
周置三十六將每議事一將不至則不議也王出行常  
使從人持一韋囊自隨有白言者受其辭投囊中還官  
乃省為決理以水精作宮柱及器物作弓矢其別支封  
小國曰澤散王曰驢分王曰且蘭王曰賢督王曰汜復  
王曰于羅王其餘小王國甚多不能一一詳之也國出  
細絺作金銀錢金錢一當十有織成細布言用水羊毛  
名曰海西布此國六畜皆出水或云非獨用羊毛也亦  
用木皮或野蠶絲作織成氍毹毼毼蜀帳之屬皆好其  
色又鮮于海東諸國所作也又常利得中國絲解以為  
胡綾故數與安息諸國交市于海中海水苦不可食故  
往來者希到其國中出九色次玉石一曰青二曰赤  
三曰黃四曰白五曰黑六曰綠七曰紫八曰紅九曰紺  
今尹吾山中有九色石即其類陽嘉三年時疎勒王臣

欽定四庫全書

卷八下

槃獻海西青石金帶各一又今西域舊圖云罽賓條支  
諸國出琦石即次玉石也大秦多金銀銅鐵鉛錫神龜  
白馬朱髦駭難犀瑇瑁玄熊赤螭辟毒鼠大貝車渠瑪  
瑙南金翠爵羽駟象牙符采玉明月珠夜光珠真白珠  
虎珀珊瑚赤白黑綠黃青紺縹紅紫十種琉璃瑤琳琅  
玕水精玫瑰雄黃雌黃碧五色玉黃白黑綠紫紅絳紺  
金黃縹流黃十種氍毹五色氍毹五色九色首下氍毹  
金縷綉雜色綾金塗布緋持布發陸布緋持渠布火浣  
布阿羅得布巴則布度伐布溫宿布五色桃布絳地金  
織帳五色斗帳一微木二蘇合狄提迷迭兜納白附子  
薰陸鬱金芸膠薰草木十二種香大秦道既從海北陸  
通又循海而南與交趾七郡外夷北又有水道通益州  
永昌故永昌出異物前世但論有水道不知有陸道今  
具畧如此其民人戶數不能備詳也自葱嶺西此國最  
大置諸小王甚多故錄其屬大者矣澤散王屬大秦其  
治在海中央北至驢分水行半歲風疾時一月到最與



安息安谷城相近西南詣大秦都不知里數驢分王屬  
大秦其治去大秦都二千里從驢分城西之大秦渡海  
飛橋長二百三十里渡海道西南行繞道直西行且蘭  
王屬大秦從思陶國直南渡河乃直西行之且蘭三千  
里道出河南乃西行從且蘭復直西行之且蘭復國六  
里南道會汜復乃西南之賢督國且蘭汜復直南乃有  
積石積石南乃有大海出珊瑚真珠且蘭汜復斯賓阿  
蜜北有一山東西行大秦海東各有一山皆南北行  
賢督王屬大秦其治東北去汜復六百里汜復王屬大  
秦其治東北去于羅三百四十里渡海也于羅屬大秦  
其治在汜復東北渡河從于羅東北又渡河斯羅東北  
又渡河斯羅國屬安息與大秦接也大秦西有海水海  
水西有河水河水西南北行有大山西有赤水赤水西  
有白玉山白玉山有西王母西有修流沙修流沙西有  
大夏國堅沙國屬絲國月氏國四國西有黑水所傳聞  
西之極矣北新道西行東至且彌國西且彌國單桓國

畢陸國蒲陸國烏食國皆并屬車師後部王治于賴  
城魏賜其王壹多雜守魏侍中號大都尉受魏王印轉  
西北則烏孫康居本國無增損也北烏伊別國在康居  
北又有柳國又有巖國又有奄蔡國一名阿蘭皆與康  
居同俗西與大秦東南與康居接其國多名貂畜牧逐  
水草臨大澤故時羈屬康居今不屬也呼得國在葱嶺  
北烏孫西北康居東北勝兵三萬餘人隨畜牧亦好馬有  
貂堅昆國在康居西北勝兵三萬人隨畜牧亦多貂有  
好馬丁令國在康居北勝兵六萬人隨畜牧出名鼠皮  
白毘子青毘子皮此上三國堅昆中央俱去匈奴單于  
庭安息水七千里南去車師六國五千里西南去康居  
界三千里西去康居王治八千里或以為此丁令即匈奴  
奴北丁令而北丁令在烏孫西似其種別也又匈奴北  
有渾窳國有屈射國有丁令國有焉昆國有新犁國明  
北海之南自復有丁令非此烏孫之西丁令也烏孫長  
老言北丁令有馬脰國其人音聲似雁鶩從膝以上身

頭人也。膝以下生毛，馬脰。馬蹄不騎，馬而走疾，馬其為人勇健，敢戰也。短人國在康居西北，男女皆長三尺。人衆甚多，去奄蔡諸國甚遠。康居長老傳聞，常有商度此國去康居可萬餘里。魚豢議曰：俗以爲營廷之魚，不知江海之大，蜉蝣之物，不知四時之氣，是何也？以其所在者小，與其生之短也。余今泛覽外夷，大秦諸國猶尚乎？徒限處牛蹄之涔，又無彭祖之年，無緣託景風以迅遊。載騾裹以遐觀，但勞眺乎三辰而飛思乎八荒耳。

議曰：中國地偏東南，故星全見，東南驗以晷影，而雒陽滑臺之間，當日之中，蓋其大勢在天地之中，而所見之地偏東南也。故東不盡東，海西不盡流沙，截長補短，纔

得萬里自雍涼之西則踰二萬里而兩海之孔徑盡矣  
故北狄廣莫極于西北而羌戎西域經帶限表極于西  
南其延袤又過之當肅殺之氣其人剛勁善鬪亦中國  
之勍敵也聖人即而叙之置之荒外不大攬動啓其戎  
心故不能為中國患及公劉西遷太王東徙已漸其俗  
厲宣之際遂殺秦仲而戎始張矣既而犬戎殺幽王因  
以斃周王室遂卑終之秦人遂伯西戎征東諸侯至率  
九十餘戎脇周而問鼎遂吞二周亡諸侯以禍天下咸

周人之自取之也漢又不監孝武以雄材大畧逞無疆  
之欲撥實露本傾倒肝腦赭陰區血冰天空王庭骸骨  
蔽松漠頭顱屬斗尾而未快也又勦兩粵夷朝鮮賈其  
餘勇大開西域列郡河湟發兵馳使梟繫躡藉殊俗異  
種參覃震悼頓顙請命翻金海碎玉山瀉珠窟祛寶穴  
赤翠羽之背童靈犀之首糞首領之種剗葡萄之園空  
宛馬之羣走封牛之牧河源崑崙盡在郊甸莫敢誰何  
而天子之欲未厭至于中國之民舉為盜賊繡衣直指

所在誅殺

原注漢書武帝末郡國盜賊羣起遣暴勝之等為直指使者衣繡衣持斧逐捕盜賊督課

郡國以事與誅不從命者威振州郡

蚩尤之旗長竟于天桐人妖蠱閼闢

宮掖父子戰于京師而戾園不得其死

原注漢書戾太子贊建元六年

蚩尤之旗見其長竟天後遂命將出征畧取河北建置朔方其春戾太子生自是之後師行三十年兵所誅屠

夷滅死者不可勝數及巫蠱事起京師流血僵尸數萬太子子父皆敗故太子生長于兵與之終始何獨一廢

臣始厭兵而下輪臺之詔亦已晚矣

原注漢書桑弘羊奏言輪臺東有溉

田五千頃可遣屯田卒益墾溉田上乃下詔深陳既往之悔曰輪臺西于車師千餘里前開陵侯繫車師時雖勝降其王以遠遠乏食道死者尚數千人況益西乎由是不復出軍而封田千秋為富民侯以明休息思富養

民也明  
年帝崩

至于東京戎索屢朽鳥驚獸駭復肆侵軼恣睢

內地越三輔犯趙魏閼河內上黨直出蜀漢橫被并涼  
殺民人繫累子女焚燒城郭將帥不能支撐與遇輒敗  
儲庾空竭君臣旰食又甚西周之季延蔓侵淫百餘年  
間潰洞腹背董卓因之剗制朝廷廢立天子賊殺大臣  
漢遂亡餘種羨落布護生聚乘晉之衰一旦羣起并吞割

據皆中國之君以欲導之也嗚呼褒如笑而戎人至

原注

史記褒如不好笑幽王欲其笑萬方故不笑幽王為烽  
燧大鼓有寇至則舉烽火諸侯悉至而無寇褒如乃大

笑幽王悅之為數舉烽火其後不信諸侯益亦不至及廢申后去太子申侯怒與繒西夷犬戎攻幽王幽王舉

烽火徵兵兵莫至遂殺幽王驪山下貳師寵而西域開原注漢書李廣利女弟李夫人有寵于

上產昌邑哀王太初元年以廣利為貳師將軍發屬國六千騎及郡國惡少年數萬人以往期至貳師城取善

馬故號貳和熹立而羌胡肆原注後漢書和熹鄧太后

師將軍西域諸侯反攻都護任尚于疏勒安帝即位太后復臨朝時諸降羌布在郡縣皆為吏人豪右所徭役積以愁

怨曉當羌豪麻奴兄弟因與種人南風妬而五胡起原注

俱西出塞斷隴道朝廷不能制南風妬而五胡起原注

晉書賈后諱南風賈充女也妬忌多權詐既廢太后殺楊駿及汝南王亮又殺太子適趙王倫起兵誅之故有

五胡之禍書曰念茲在茲詩曰大風有隧有空大谷復



誰咎哉

贊曰坤維乾門海徽天殼氣鍾肅殺俗喜擊搏玉關弗  
鍵金城遂傾飲血解仇揚徽烏驚戒在內修錄戎惟謹  
遠略勿勤即敘是允

欽定四庫全書

續後漢書  
卷八下

欽定四庫全書

續後漢書卷八十一

元 郝經 撰

列傳第七十八

東夷

東夷

夫餘

高句麗

勃海

東沃沮

挹婁

濊

馬韓

辰韓

弁韓

辰辰

倭人

東夷者幽營青徐揚之東海外諸夷也夷種有九曰畎

夷于夷方夷黃夷白夷赤夷玄夷風夷陽夷

原注竹書紀年後泄

二十一年命畎夷白夷赤夷玄夷風夷陽夷后相即位  
二年征黃夷七年于夷來賁浚少康即位方夷來賁

欽定四庫全書

續後漢書  
卷八十一

堯命羲和宅嵎夷曰暘谷蓋日之所出也

原注孔安國曰東方之地

曰嵎夷暘谷日之所出也

夏太康失德夷人始畔后相二年征黃夷

七年于夷來賓少康即位方夷來賓后發元年諸夷賓

於王門獻其樂舞

原注竹書紀年后發元年諸夷賓于王門諸夷入舞

桀為暴虐

諸夷內侵殷湯革命伐而定之仲丁即位藍夷入寇自

是畔服不常三百餘年武乙政衰東夷遂盛遷入淮岱

間漸居中土及紂無道為犁之會東夷皆畔周武王誅

紂伐殷通道於九夷肅慎氏獻柞梏矢

原注肅慎氏即挹婁也

武

王崩三監及淮夷畔周公東征誅管蔡滅淮夷康王時

肅慎復至徐夷偕號率九夷以伐周穆王因命徐偃王

主之陸地而朝徐者三十六國王命楚子滅徐

原注博物志徐

君宮人娠而生卵以為不祥棄於水濱孤獨母有犬名鵠倉持所棄卵銜以歸母母覆煖之遂成小兒生而偃故以為名宮人聞之乃更錄取長襲為徐君尸子曰偃王有筋而無骨故謂偃後漢書偃王處漢池東地方五百里行仁義陸地而朝者三十有六國穆王後得驥騮之乘乃使造父御以告楚令伐徐一日而至於楚文王大舉兵而滅之偃王仁而無權不忍鬪其人故致於敗乃北走彭城武原縣東山下百姓隨之者以萬數因名其山為徐山博物志徐王妖異不常武原縣東十里見有徐山石室祠處偃王溝通陳蔡之間得朱弓朱矢

以已得天瑞自稱偃王穆王聞之遣使乘駟一日至楚伐之偃王仁不忍鬪為楚所敗北走此山

厲宣

之際淮夷復熾召公虎平之五伯既興嘗與盟會戰國

時越遷琅邪侵暴諸夏及秦并滅皆散為齊民於是中

國無夷而海外之國自若也漢初燕人衛滿自王朝鮮百

有餘歲武帝滅之

原注漢書朝鮮王滿燕人自始燕時嘗畧屬真蕃朝鮮為置吏築障

秦滅燕屬遼東外徼漢興為遼難守復修遼東故塞至

涓水為界屬燕燕王盧綰反匈奴滿亡命聚黨千餘

人椎結蠻夷服而東走出塞渡涓水居秦故空地上下

障稍役屬真蕃朝鮮蠻夷及故燕齊之亡在者王之都

王險元封中

東夷始復通中國王莽篡立貊人入寇

原注

為武帝所滅

漢書王莽發高句麗兵當伐胡不欲行郡縣彊迫之皆亡出塞因犯法為寇州縣歸咎高句麗侯騶嚴尤奏言貉人犯法不從騶起宜慰安之

建武中興復來朝貢遼東太守祭彤威行

海表於是夫餘高句麗濊貊倭韓萬里朝獻使聘通流永初多難始入寇鈔桓靈失政遂流曼馬三國多故又為公孫氏所闕限東夷復不通魏景初中誅公孫淵因浮海收樂浪帶方等郡遂服東夷其國最近中國而大者夫餘高句麗

夫餘在長城之北去玄菟千里南與高句麗東與挹婁西與鮮卑接北有弱水地方二千里本濊地也初北夷

索離國王出行其侍兒於後婁身王還欲殺之侍兒曰  
前見天上有氣大如雞子來降我因有身王曰之後遂  
生男王令置諸豕牢豕以氣噓之不死復置諸馬闌馬  
亦噓之王以為神乃聽母收養名曰東明東明長而善

射王忌其猛復欲殺之東明走南至掩淪水

原注今高

麗中有蓋斯水即此也謹案陳志作施掩水此據後漢書

以弓擊水魚鼈皆聚

浮水上東明乘之得渡因至夫餘而王之其民土著有宮室倉庫牢獄多山陵廣澤于東夷之域最平



敝土地宜五穀不生五果其人羸大性強勇謹厚不寇  
鈔國有君王皆以六畜名官有馬加牛加猪加狗加犬  
使大使者使者邑落有豪民名下戶皆為奴僕諸加別  
主四遠道大者主數千家小者數百家食飲皆用俎豆  
會同拜爵洗爵揖讓升降以殷正月祭天國中大會連  
日飲食歌舞名曰迎鼓于時斷刑獄解囚徒在國衣尚  
白白布大袂袍袴履草鞮出國則尚繒繡錦罽大人加  
狐狸狄白黑貂之裘以金銀飾帽譯人傳辭皆跪手據

地竊語用刑嚴急殺人者死沒其家人為奴婢竊盜一  
責十二男女淫婦人妬皆殺之尤憎妬已殺尸之國南  
山上至腐爛女家欲得輸牛馬乃與之兄死妻嫂與  
奴同俗其國善養牲出名馬赤玉貂狻美珠珠大者如  
酸棗以弓矢矛為兵家自有鎧仗其國耆老說古之  
亡人作城柵皆圓有似牢獄行道晝夜無老幼皆歌吟  
聲不絕有軍事亦祭天殺牛觀蹄以占吉凶蹄解者為  
凶合者為吉有敵諸加自戰下戶俱擔糧飲食之其死

夏月皆用冰殺人殉葬多者百數厚葬有槨無棺

原注魏畧

其俗停喪五月以久為榮其祭之者有生有熟喪主不欲速而他人殯之常諍引以此為節其居喪男女皆純白婦人著布面衣去環佩大體與中國相彷彿也謹案魏志此下尚有夫餘本屬玄菟三百餘字

高句驪夫餘別種也夫餘王嘗得河伯女閉於幽室為日所照引身避之日影又逐焉因孕生一卵大如五升河伯女以物裹之置暖所久之一男破卵而出及長善射名之曰朱蒙朱蒙者善射也夫餘人以朱蒙非人所生請除之王不聽使主馬牧朱蒙選駿馬減其食令瘦

駕者肥之夫餘王田乘肥者朱蒙自乘瘦者王賜朱蒙一矢而殪獸甚多夫餘之臣又謀殺之河伯女以告朱蒙乃與烏遼等東南走而遇大水追者及之朱蒙禱曰我日之子河伯之甥今急矣孰濟我者言訖而魚鼈成橋朱蒙甫度即解乃得免至紇升骨城遂居焉號高句麗其後種類甚盛遂自為國其國在遼東之東千里南與朝鮮瀋貊東與沃沮北與夫餘接都於丸都之下地方二千里深入海孺多大山深谷人隨以為居無良田力作不足以實口腹故其俗

節于飲食好治宮室於所居之左右立大屋祭鬼神祠

靈星社稷其人性克急喜冠鈔其國有王其官有相加

對盧沛者古鄒大加

原注古鄒犬加掌賓客之官如鴻臚陳志作維今從後漢書作鄒

主

簿優臺丞使者

謹案後漢書無丞字

皂衣先人尊卑各有等級言

語諸事多與夫餘同其性氣衣服有異本有五族有消

奴部

謹案陳志作涓奴此從後漢書作消奴

絕奴部順奴部灌奴部桂婁

部

原注李玄曰按今高麗五部一曰內部一名黃部即桂婁部也二曰北部一名後部即絕奴部也三曰東

部一名左部即順奴部也四曰南部一名前部即灌奴部也五曰西部一名右部即消奴部也

本消奴

部為王稍微弱桂婁部代之漢武帝滅朝鮮以高句麗  
為縣屬玄菟郡賜鼓吹伎人常從玄菟郡受朝服衣幘  
高句麗令主其名籍後稍驕恣不復詣郡于東界築小  
城置朝服衣幘其中歲時來取之名其城為幘溝淩溝  
淩者句麗名城也其置官有對盧則不置沛者有沛者  
則不置對盧王之宗族其大加皆稱古鄒加消奴部本  
國主後不為王適統大人得稱古鄒加亦得立宗廟祠  
靈星社稷

原注漢書音義龍星左角曰天田即農祥也  
辰見祀以牛號曰靈星風俗通辰之神為靈

星故以辰日  
祠于東南

絕奴部世與王婚加古鄒之號諸大加亦

自置使者皂衣先人名皆達於王如卿大夫之家臣會  
同坐起不得與王家使者皂衣先人同列其國中大家  
不佃作坐食者萬餘口下戶遠擔米糴魚鹽供給之其  
民喜歌舞國中邑落暮夜男女羣聚歌戲無大倉庫家  
家自有小倉名之為稭京

謹案稭京陳  
志作稭京

其人潔清自喜

善藏釀跪拜申一脚與夫餘異行步皆走以十月祭天  
國中大會名曰東盟其公會衣服皆錦繡金銀以自飾

大加主簿頭着幘如幘而無後其小加著折風形如弁其國東有大穴名隧穴十月國中大會迎隧神還于國東上祭之置木隧于神坐無牢獄有罪諸加評議便殺之沒入妻子為奴婢其俗作婚姻言語已定女家作小屋於大屋後名壻屋壻暮至女家戶外自名跪拜乞得就女宿如是者再三女父母乃聽使就小屋中宿傍頻錢帛至生子已長大乃將歸家其俗淫男女已嫁娶便稍作送終之衣服厚葬金銀財帛盡於送死積石為封



列種松栢其馬皆小便登山畜有牛豕豕有白色國人  
有氣力習戰鬪沃沮東滅皆屬焉又有小水貂句麗作  
國依大山而居西安平縣北有小水南流入海句麗別  
種依小水作國因名之為小水貂出好弓所謂貂弓是  
也

原注魏氏春秋遼東郡西安平縣北有小水南流入海句麗別種因名之小水貂

王莽初發

高句麗兵以伐胡不欲行強迫遣之皆亡走出塞為寇  
盜遼西大尹田譚追擊之為所殺州郡歸咎於句麗侯  
騶嚴尤奏言貂人犯法罪不起於騶且宜安慰今猥被

之大罪恐其遂反莽不聽詔尤擊之尤誘期句麗侯騶  
至而斬之傳首詣長安莽大悅布告天下更名高句麗  
為下句麗降為侯國世祖建武八年高句麗王遣使朝  
貢始見稱王至殤安之間句麗王宮數寇遼東更屬玄  
菟遼東太守蔡諷玄菟太守姚光以宮為二郡害興師  
伐之宮詐降請和二郡不進宮密遣軍攻玄菟焚燒候  
城入遼隧殺吏民後宮復犯遼東蔡諷將吏士追討之  
敗沒宮死子伯固立順桓之間復犯遼東寇新安居鄉

又攻西安平於道上殺帶方令畧得樂浪太守妻子靈  
帝建寧二年玄菟太守耿臨討之斬首虜數百級伯固  
降屬遼東熹平中伯固乞屬玄菟公孫度據海外  
伯固遣大加優居主簿然人等助度擊富山賊破  
之伯固死有二子長子拔奇少子伊夷模拔奇不肖國  
人便共立伊夷模為王自伯固時數寇遼東又受亡胡  
五百餘家建安中公孫康出軍擊之破其國燒焚邑落  
拔奇怨為兄而不得立與消奴加各將下戶三萬餘口

詣康降還住沸流水降胡亦叛伊夷模伊夷模更作新  
國拔竒遂往遼東有子留句麗國古鄒加駁位居是也  
其後復擊玄菟玄菟與遼東合擊大破之伊夷模無子  
淫灌奴部生子名位宮伊夷模死立以為王其曾祖名  
宮生能開目視其國人惡之及長大果凶虐數寇鈔國  
見殘破位宮生墮地亦能開目視人句麗呼相似為位  
似其祖故名之為位宮位宮有勇力便鞍馬善獵射曹  
叡青龍四年位宮斬送孫權使胡衛等首詣幽州景初

二年太尉司馬懿率衆討公孫淵位宮遣主簿大加將數千人助軍誅淵遂潛軍浮海收樂浪帶方等郡正始三年位宮寇西安連年侵暴遼東諸郡七年幽州刺史毋丘儉督諸軍討之位宮敗走儉遂屠丸都斬獲首虜以千數初句麗之臣得來數諫位宮位宮不從得來歎曰立見此地將生蓬蒿遂不食而死儉令諸軍不壞其墓不伐其樹得其妻子皆放遣之位宮單將妻子逃竄儉引軍還未幾復擊之位宮遂奔買溝儉遣玄菟太守

追之誅納八千餘口刻石紀功而還

句麗別部曰渤海其東際海西接遼東俗漸同中國至穆

人高歡逐魏孝武帝其子洋遂篡東魏稱尊號國號齊至

緯為周武帝所滅

原注北史魏節閔帝普泰元年以高歡為渤海王立元朗為帝討爾朱氏敗爾

朱兆于廣阿朗以歡為太師歡入雒陽廢節閔帝及朗立

孝武帝自為大丞相魏永熙二年歡襲殺爾朱兆三年歡

舉兵反孝武奔長安歡立孝靜帝徙都鄴武定五年歡卒

子澄自為大丞相輔政幽孝靜于宮中七年膳奴蘭京殺

澄澄弟洋自為丞相封齊王洋遂稱帝廢孝靜帝為中山

王國號齊改元天保二年洋弒中山王十年洋殂諡曰文

宣在位十年子殷立常山王演廢殷弒之自立演在位一

年殂諡曰孝昭演弟長廣王湛立四年傳位于太子緯自

稱太上皇天統四年湛祖諡曰武成隆化元年周大舉  
伐齊緯傳位于太子恒周武帝入鄴殺緯及恒遂滅齊  
緯在位十二年恒在位  
一年五世凡二十八年

謹案目錄此下有東沃沮挹婁二傳今闕

滅南與辰韓北與高句麗沃沮接東窮大海西至樂浪  
滅及沃沮句麗本皆朝鮮之地也昔武王封箕子朝鮮

教以禮義田蠶作八條之教

原注前漢書箕子教以八  
條者相殺者以當時償殺

相傷者以穀償相盜者男没入為其家奴女子為  
婢欲自贖者人五十萬音義曰八條不具見也無門

戶之閉而民不為盜婦人貞信飲食以遵豆其後四十

餘世至朝鮮侯準始僭號稱王陳勝起天下叛秦燕  
齊趙代之民避地朝鮮者數萬口燕人衛滿擊殺準  
而自王魼結夷服傳國至孫右渠漢武帝元朔元年  
滅君南閭等叛右渠率二十餘萬口詣遼東內屬以  
其地為滄海郡數年乃罷至元封三年遂滅朝鮮分  
置樂浪臨屯玄菟真番原注番音藩四郡昭帝始元五年  
罷臨屯真番以并樂浪玄菟復徙居高句麗自單國  
大山嶺以東謹案東陳志作西此據後漢書沃沮濊貊悉屬樂浪後



以境土廣遠復分領東七縣置樂浪東部都尉自內屬以後風俗稍薄法禁亦浸多至有六十餘條建武六年

省都尉官遂棄領東地悉封其渠帥為縣侯

原注三國魏志今不

耐藏皆其種也

皆歲時朝賀無大君長其君有侯邑君三老統

主下戶其耆舊自謂與高句麗同種言語法俗大抵相類其人性愿慤少嗜欲有庶耻不請丐

謹案陳志作不請句麗語不可

解蓋訛丐字為句又多增麗字也

衣服與高句麗少異男女皆衣曲領

男子繫銀花廣數寸以為飾漢末更屬高句麗其俗重

山川山川各有部分不得妄相涉入同姓不婚多忌諱  
疾病死亡輒捐棄舊宅更作新居有麻布蠶桑作縣曉  
候星宿豫知年歲豐約不以珠玉為寶常用十月祭天  
晝夜飲酒歌舞名之為舞天又祭虎以為神其邑落相  
侵犯輒相罰責生口牛馬名之為責禍殺人者償死少  
寇盜作矛長三丈或數人共持之能步戰樂浪檀弓出  
其地其海出班魚皮土地饒文豹又出果下馬

原注裴松之曰

高三尺乘之可  
于果樹下行

桓帝時獻之魏正始六年樂浪太守劉

茂帶方太守弓遵以領東濊屬高句麗興師伐之不耐  
侯等舉邑降其八年遣使朝貢於魏更拜不耐濊王居  
處雜在民間四時詣郡朝謁二郡有軍征賦調供給役  
使遇之如民曹奐景元二年與韓王率其屬朝貢於魏  
謹案目錄此下有馬韓辰韓弁韓弁辰倭人五  
傳今闕又通卷闕議贊



欽定四庫全書

續後漢書卷八十二

元 郝經 撰

列傳第七十九

南蠻

南蠻

交趾 林邑  
板楯蠻夷

扶南 巴郡南郡蠻

西南夷

夜郎 牂牁 滇  
邛都夷 冉駹夷 哀牢夷

謹案南蠻一卷全闕止存議贊

議曰蠻夷猾夏尚矣自舜竄有苗江清嶺謚湖山夷曠

風教之所漸被衣冠之所整領殆同諸華是以舜葬蒼梧禹陟會稽存聖王之軌度焉王德下衰荆揚之南寢為蠻夷之區兇冗內食蠹入淮甸侵敗王畧始加之兵故商頌曰捷彼殷武奮伐荆楚桀入其阻武王代殷乃通道于八蠻皆臣服于周顓頊之裔曰鸞熊成王封其後熊繹于楚蠻以子男之田泰伯自竄吳蠻斷髮文身偶以為飾遂為吳伯夏少康封其庶子于會稽至周而號於越周衰楚始大僭號稱王以病中國宣王命方叔伐

之其詩曰蠢爾蠻荆大邦為讐方叔元老克壯其猶平  
王東遷遂併滅漢陽諸姬啓申息之北門奄有巴濮舒  
蠻徵中國諸侯與齊晉爭盟而為伯越與吳相繼稱王  
俱為中國伯後楚復并吳越地方七千餘里而天下莫  
彊自昔蠻夷之盛未有若此者也然皆中國王者之後  
能用夏變夷為救患分災討賊撥亂翼戴天子之舉故  
春秋雖夷之稱州稱國稱人稱子終以號舉至與其功  
則列諸會而長諸盟

原注春秋宣公十一年楚子陳侯  
鄭伯盟于辰陵與莊王為盟主也

或並序而殊會

原注昭公四年楚子蔡侯陳侯鄭伯許男徐子滕子頓子胡子沈子小邾子宋

世子佐淮夷會于申楚徐淮夷與中國諸侯並序也襄公五年仲孫蔑衛孫林父會吳于善道以吳為夷殊會也

或再及以殊會

原注哀公十三年公會晉侯及吳子于黃池會以及會兩伯之辭也

自蠻

夷而進于中國不直以為蠻夷也漢興尉佗帝南越無

諸搖分王閩越號稱兩越未數世而為漢梟夷而中國

之蠻夷盡矣及孝武開西南夷故槃瓠蠻夷種落卵育

谿洞之中縈帶嶺陬海徼雖時寇鈔尋即入貢非能

為久大之患也昔子路問強孔子曰南方之強與北



方之強歟抑而強與寬柔以教不報無道南方之強也  
君子居之衽金革死而不厭北方之強也而強者居之  
或強於義理或強於血氣蓋氣質之性土風之殊也坎  
根於乾以陰陷陽內健外險故為西北肅殺之氣而死  
物離根於坤以陰附陽內柔外剛故為西南生成之氣  
而活物物生於震而成於坤死於兌而伏於坎故東夷  
尚仁南蠻慕化西戎剽輕而北狄鷙猛皆氣數使然爾  
惟天子建中和之德以禮義法制為天下大閑操臨制

之柄謹內外之辨轉幹一氣鈞覆四夷輯寧諸華統以  
春正總為生氣烏有外夷之患哉苟失其道雖蠻夷之  
微亦足以禍天下巴賓據蜀而五胡亂晉南詔入寇而

巢溫亡唐

原注唐書南詔贊懿宗任相不明藩鎮屢叛南詔內侮此成思亂龐勛乘之昌戈橫行雖凶渠

殲夷兵連不解唐遂以亡易曰喪牛于易有國者知戒  
西北之虞而不知患生於無備漢亡于董卓而兵兆於  
冀州唐亡于黃巢而禍基于桂林易之意深矣易曰履霜堅冰至詩曰肇允彼

桃蟲拚飛維鳥可不戒哉

贊曰獠蜚非類融結颺瘴網維解弛猱攫突上喪羊于

易獷豕牙吉詔能亡唐戒之在得

